

摘藻堂四庫全書薈要

史部

欽定四庫全書薈要卷九千二百八十八

史部

通典卷一百七十

唐京兆杜佑君卿纂

刑八

寬恕

殷

漢

後漢

宋

大唐

湯出野見張網四面者湯曰嘻盡之矣乃去其三面祝曰欲左左欲右右不用命入吾網諸侯聞之曰湯德至矣及禽獸乃叛桀而歸湯○漢文帝二年制曰今法有

誹謗之罪是使衆臣不敢盡情而上無由聞過失也將

何以來遠方之賢良其餘之人或咒詛上以相約而復

相謾

謾欺也初為要約共行咒詛復相欺誑中道而止無實事

吏以為大逆其有他

言吏又以為誹謗此細人之愚無知抵死自今有犯此

者勿聽治時將相皆舊功臣少文多質懲秦惡政務在

寬厚恥言人過化行天下告訐之俗易

訐相斥罪也

吏安其

官人樂其業風流篤厚禁網疎闊選張釋之為廷尉罪

疑者予民

從輕斷之

是以刑罰大省至於斷獄四百

謂普天之下重

罪者有刑措之風感齊女子淳于緹縈言除肉刑

具肉刑議景

帝之初制曰孝文皇帝除誹謗去肉刑罪人不孥德侔

天地然加笞與重罪無異

重罪謂死刑

幸而不死不可為人

謂不能自起居其定律笞五百曰三百笞三百曰二百猶尚不

全自今吏及諸有秩皆受其官屬所監所行所將

行謂按察

音下更反其與飲食計償費勿論

計所費而償其直勿論罪

罷磔曰棄市

先是諸死刑皆磔於市今罷之若妖逆則磔之磔謂張其尸也具刑制上篇宣帝制曰自今

子首匿父母妻匿夫孫匿大父母皆勿論

凡首匿者言為謀首而藏

罪其父母匿子夫匿妻大父匿孫罪殊死皆上請廷尉

以聞元帝為太子柔仁好儒見宣帝多用文法吏以刑

名繩下

劉向別錄云申子學號刑名者以名責實尊君卑臣崇上抑下宣帝好觀其書故以刑名

下繩大臣楊惲蓋寬饒等坐刺譏語而誅嘗侍燕從容言

陛下持刑太深宜用儒生宣帝作色曰漢家自有制度

本以霸王道雜之奈何純用德教尚周政乎

姬周之政且俗

儒不達時宜好是古非今使人眩於名實

眩亂視

不知所

守何足委任乃嘆曰亂我家者太子也及即位下詔曰

法令者欲其難犯而易避也今律令煩多自典文者不能分明而欲罪元元之不逮豈中刑之意哉其議律令可蠲除輕減成帝河平中詔曰甫刑云五刑之屬三千其大辟之罪二百

甫刑即周書呂刑也初為呂侯號今曰呂刑後改為甫侯故又稱甫刑

大辟之刑千有餘條律令煩多百有餘萬言奇請他比日以益滋

奇請謂常文之外主者別有所請以定罪也他比謂引他類以附之稍增律條也奇居宜

反

其與中二千石博士及明習律令者議減死及可蠲除者令較然易知條奏有司無仲山甫將明之材

自司有

下史家之言也犬雅烝人之詩言王有誥命則仲山甫將之國有不善則仲山甫明之也不能因時

廣宣主恩建立明制但鈎撫細微毛舉數事以塞詔而

已

毛舉言舉毫毛之事塞當也

是以大議不立議者或曰法難數變

此庸人不達疑塞理道者也

塞謂不通

班固曰自建武永平

人亦新免兵革之禍有樂生之慮與高惠之間同而政

在抑強扶弱朝無威福之臣邑無豪傑之吏以口率計

斷獄少於成哀之間什八可謂清矣

其十少

然而未能稱

意比崇於古者以其疾未除而刑本不正也○後漢章

帝初尚書陳寵上疏曰今斷獄者急於筭格酷烈之痛

執憲者繁於詆毀放濫之文或因公行私以逞威福帝

納寵言每事務於寬厚其後遂詔有司絕鈗鑽諸慘酷

之科

說文曰鈗鐵鉏也其炎反鉏音陟葉反鑽臍刑謂鑽去臍骨也

解妖惡之禁除文

致之請讞五十餘事

文致謂前人無罪文飾致於法中

是後人俗和平

屢有嘉瑞初寵曾祖父咸成哀間以律令為尚書王莽

篡位父子相與歸鄉里閉門不出入乃收藏其家律令

書文皆壁藏之咸性仁恕常戒子孫曰為人議法當依



於輕雖有百金之利慎無與人重比故世謂陳氏持法

寬平也元和三年廷尉郭躬家世掌法務在寬平決獄

斷刑多依矜恕乃條諸重文從輕者四十餘事奏之事

皆施行著於律令陳寵又代躬廷尉數議疑獄每附經

典事從輕恕活者甚衆寵復鈎校律令刑法溢於甫刑

者除之鈎猶勘也音工曰臣聞禮經三百威儀三千禮

曰禮經三百曲禮三千鄭玄故甫刑大辟二百五刑之

屬三千禮之所去刑之所取失禮之人刑以失禮則入

刑相為表裏者也今律令死刑六百一十耐罪千六百

九十八

耐者輕刑之名

贖罪以下二千六百八十一溢於甫刑

者千九百八十九其四百一十大辟千五百耐罪七十  
九贖罪漢興以來三百二年憲令稍增科條無限又律  
有三家其說各異宜令三公廷尉平定律令應經合義  
者可使大辟二百耐罪贖罪二千八百并合為三千悉  
刪除其餘令與禮相應以易萬人視聽以致刑措之美  
俾傳之無窮會寵得罪遂罷○宋文帝元嘉中王弘為

衛將軍輔政上疏曰同伍犯法士人不科罪然每詰謫轉有請訴若常垂恩宥即法廢不行依事糾責則物以為苦謂宜更其制使得憂苦之衷又主守偷五疋常偷四十疋並加大辟議者咸以為重宜進主守偷五十疋死四十疋降以補兵既小寬人命亦足以為懲戒從之

○大唐高祖初至京師革隋峻法約為十二條殺人劫盜背軍叛逆者死餘並蠲除之及受禪詔宰相劉文靜因開皇律令而損益之盡刪大業苛慘之制五十三條

務存寬簡以便於時及太宗初令公卿更議絞刑之屬五十條免死唯斷其右趾應死者多蒙全活太宗尋又矜其受刑之苦謂蕭瑀曰前代不行肉刑久矣今斷人右趾念其受痛意甚不忍瑀曰古之肉刑乃死刑之外陛下於死刑之內降從斷趾便是以生易死足為寬法上曰朕意以為如此故欲行之又有上書言此非便公可更思之其後蜀王府法曹參軍裴弘獻上疏駁律令遂令參軍刪改之於是與房玄齡等建議以為古肉刑

既廢制為死流徒杖笞凡五等以備五刑今復設別足則是為六刑減死意在於寬加刑又殊煩峻與八座定議奏聞於是又除斷趾法改役流三千里居作殿中監盧寬持私藥入尚食厨所司議當重刑上曰止是錯誤不解遂赦之二年三月大理少卿胡演進每月囚帳上覽焉問曰其間罪亦有情可矜疑容可皆以律斷對曰原情有罪非臣下所敢上謂侍臣曰古人云鬻棺之家欲歲之疫非欲害於人利於棺售故耳今法司覆理一

獄必求深刻欲成其考今作何法得使平允王珪曰今但選良善平恕人斷獄允當者賞之即姦偽自息上曰古者斷獄必訊於三槐九棘之官今三公九卿即其職也自今大辟罪皆令中書門下四品以上及尚書議之後大理引囚過次列岐州刺史鄭善果上謂演曰如鄭善果官位不卑縱令犯罪不可與諸囚同例自今三品以上犯罪不須將身過朝堂聽進止又舊條兄弟分後蔭不相及連坐俱死祖坐罪死孫配流會有同州人房

強弟任統軍於岷州以謀反伏誅強當從坐太宗嘗錄囚徒憫其將死為之動容顧謂侍臣曰刑典仍用蓋風化未洽之咎愚人何罪而肆重刑乎用刑之道當審事理之輕重然後加之以刑何有不察其本而一槩加誅非所以恤刑重人命也然叛逆有二一為興師動眾二為惡言犯法輕重有差而連坐皆死豈朕情之所安哉更令百僚詳議於是玄齡等復定議曰按禮孫為王父尸按令祖有蔭孫之義然則祖孫親重兄弟屬輕應重

反流合輕翻死據理論情深為未愜今定律祖孫與兄弟緣坐俱配役其以惡言犯法不能為害者情狀稍輕兄弟免死配流為允從之自是比古死罪殆除其半據隋代舊律減入徒者七十一條其當徒之法唯奪一官除名之人仍同士伍凡削苛去慘變重為輕者不可勝紀又制在京見禁囚刑部每月一奏從立春至秋分不得奏決死刑其大祭祀及致齋日期朔望上下弦二十四氣雨未晴夜未明斷屠日月蝕及假日並不得奏決



死刑因大理丞張蘊古交州都督盧祖尚並以忤旨被

誅斬帝尋追悔遂下制凡決死刑雖令即殺二日中五

覆奏下諸州三覆奏

初河內人李好德風疾瞽亂有妖妄之言詔大理丞張蘊古按其事

蘊古奏好德顛病有徵法不當坐理書侍御史權萬紀劾蘊古貫屬相州好德兄厚德為其刺史情在阿縱又

盧祖尚固辭交州並處斬既而悔之遂有此制上又曰古之行刑若為徹樂減

膳朕廷無恒設之樂莫知何徹然對食即不啖酒肉自

今以後令供御官知刑人日勿進酒肉教坊及太常並

宜停教曹司斷獄多據律令雖情在可矜而不敢違法

守文定罪或恐有冤自今門下覆理有據法合死而情  
在可宥者宜錄狀奏自是全活者甚衆其五覆奏決以  
前一日一覆奏決日又三覆奏唯犯惡逆者一覆而已  
著之於令四年十一月制決罪人不得鞭背太宗以暇日觀明堂  
圖見五藏之系皆附於背乃嘆曰夫筆者刑之最輕者也死者生之至重者也豈容犯最輕之刑而或致死自  
古帝王不悟不亦悲五年十二月上親錄囚徒放死罪  
夫即日隨有此制

三百九十人歸於家令明年秋來就刑其後應期畢至  
下詔悉原之高宗即位遵貞觀故事務在恤刑嘗問大

理卿唐臨在獄繫囚之數臨對曰見囚五十人唯二人合死上以囚數全少甚喜也總章二年五月上以常法外先決杖一百者多致殞斃乃下詔曰別令於律外決杖一百者前後總五十九條內有竊盜及蠹害尤甚者今量留十二條自餘四十七條並宜停廢武太后長壽三年五月勅貶降官並令於朝堂謝之仍容三五日裝束至任日不得別攝餘州縣官亦不得通計前後勞考開元十年六月勅自今以後准格勅應合決杖人若有

便流移左貶之色杖訖許一月內將息然後發遣其緣  
惡逆指斥乘輿者則臨時發遣十五年刑部斷獄天下  
死罪唯有五十八人大理少卿徐嶠上言大理獄院由  
來相傳殺氣太盛烏雀不栖至是有雀巢其樹於是百  
僚上表賀以為幾至刑措天寶元年二月勅官吏准律  
應犯枉法贓十五疋合絞者自今以後特加至二十疋  
仍即編諸格律著目不刊六載正月勅自今以後所斷  
斬絞刑者宜削除此條仍令法官約近例詳定處分○

論曰聖唐刑名極於輕簡太宗文皇帝降隋氏大辟刑百六十三條入流入徒免死其下遞減唯輕開闢以來未有斯比如罪惡既著制命已行愛惜人命務在哀矜臨於勦絕仍令數覆獲罪自然引分萬姓由是歸仁感茲煦嫗藏於骨體雖太后革命二紀安祿山傾陷兩京西戎侵軼賊泚竊發皇輿巡狩宇內憂危兆億同心妖氛旋廓刑輕故也國家深仁厚德固可侔於堯舜夏殷以降無足徵矣

囚繫夏殷周

周易旅卦曰山上有火旅君子以明慎用刑而不留獄  
月令曰命有司修法制繕囹圄去桎梏○夏桀不循祖  
法而為虐政召湯囚之夏臺○殷紂立無道囚文王於  
羑里○周官司寇凡害人者寘之圜土弗使冠飾而加  
明刑焉任之以事而收教之能改者上罪三年而舍中  
罪二年而舍下罪一年而舍反於中國三年不齒其不  
能改而出圜土者殺害人為百姓害者寘置也弗使冠飾者著黑幪若古之象刑明刑者

書其罪於大方版著其背任之以事若今罰作也凡囚舍釋也反於中國者舍之還鄉里也出謂逃亡也

者上罪梏拊而桎中罪桎梏下罪梏王之同族拊有爵

者桎以待弊罪

凡囚者謂非盜賊自以他罪拘者拊者兩手共一木桎梏者兩手各一木在手

曰桎在足曰桎中罪不拊手足各一木下罪又去桎王同族及命士以上雖有上罪或拊或桎而已弊斷也拊

音居勇反弊音必勢反

舞柰

漢

梁

北齊

漢武帝以張湯為廷尉所治即上意所欲罪予監史深刻者即上意所欲釋予監史輕平者所治即豪必舞文

巧詆

詆誣也

即下戶羸弱時口言雖文致法上裁察於是

往往釋湯所言

下戶羸弱湯欲佐助雖具文奏之又口秦言雖律令之文合致此律聽上裁察

蓋為此人希思宥也於是上得湯此言遷御史大夫時

大興兵伐匈奴縣官空虛湯排富商大賈出告緡令鉏

豪強并兼之家舞文巧詆以輔法

輔助也以巧詆助法言不公平

文書

盈於几閣典者不勝徧睹是以郡國承用者駁

不曉其指用意

不或罪同而論異姦吏因緣為市

弄法而受財若市買之交易

所欲

活則傳生所欲陷則予死比

傳讀日附

議者咸冤傷之杜周



為廷尉其治大抵倣張湯倣依而善候伺上所欲擠者因

而陷之上所欲釋久繫待問而微見寃狀客有謂周曰

君為天下決平不循三尺法專以人主意指以為獄獄

者固如是乎周曰三尺安出哉前主所是著為律後主

所是疏為令當時為是何古之法乎○梁武帝敦睦親

族優惜朝士有犯罪者皆諷臣下屈法申之百姓有罪

即按以法其緣坐老幼不免一人逃亡則舉家質作人

既窮迫姦宄益深後帝親南郊秣陵老人遮帝曰陛下

為法急於黎庶緩於權貴非久長之計誠能反是天下  
幸甚帝銳意儒雅雖簡刑法自公卿大夫咸不以鞠獄  
為意姦吏招權巧文弄法貨賄成市多致枉濫大率二  
歲刑以上歲至五千人是時徒居作者具五任其無任  
者著十械任即保若疾病權解之是後囚徒或有優劇大  
同中皇太子在春宮視事見而愍之乃上疏曰臣奉勅  
權視京師雜事竊見南北郊壇宮車府太官下省左裝  
等處並啟請四五歲以下輕囚助充使役自有刑均罪

等僇目不異而甲付錢署乙配郊壇錢署三所於事為  
劇郊壇六處在役則優今聽獄官詳其可否舞文之路  
自此而生公平難遇其人流舞易啟其齒將恐玉科重  
輕全關墨綬金書去取更由丹筆愚謂宜詳立條制以  
為永准○北齊武成帝河清中有司奏上齊律其不可  
為定法者別制權令二卷與之並行後平秦王高歸彥  
謀反須有約罪律無正條於是遂有別條權令與律並  
行大理明法上下比附欲出則附依輕議欲入則附從

重法姦吏因之舞文出沒至於後主權幸用事有不附之者陰中以法網紀紊亂卒至於亡

峻酷

殷唐

秦

漢

梁

北齊

後周

隋

大

三苗作五虐之刑殺戮無辜爰始淫為劓刵桷黥

始為人截

耳鼻桷竅黥面以加無辜故曰五虐

○殷紂為炮烙之刑

膏銅柱加之炭令有罪者行

焉名曰炮烙之刑

又醢九侯脯鄂侯周西伯獻洛西之地以請

除炮烙之刑紂許之後淫亂不止比干死爭紂曰吾聞聖人之心有七竅剖而觀之諸侯皆叛○秦孝公納衛

鞅說變法令舍人無驗者罪棄灰於路者刑步過六尺

者罰初令之作也一日臨渭決囚七百餘人渭水盡赤

具刑制上始皇專任獄吏燕人盧生竊嘆曰帝親幸獄吏樂

以行殺為威天下畏罪持祿莫敢盡忠上不聞過而日

驕下攝伏謾欺以取容始皇聞之怒曰諸生在咸陽者

吾使廉問或為妖言以亂黔首於是使御史悉按問諸

生諸生傳相告引乃自誣犯禁者四百六十餘人皆坑

之三十六年有星墜下東郡至地為石或刻其石曰始

皇死而地分帝聞之遣御史逐問莫服盡取石旁居人誅之因燔其石胡亥以趙高為郎中令更法律令有罪者相坐收族胡亥從之羣臣諸公子有罪令高治之殺大臣蒙敖等十二人戮死尸於市六公子戮死於杜財物没入縣官餘相連坐者不可勝數時山東羣盜大起不能禁胡亥責李斯斯懼乃阿意以書對曰夫賢主必能行督責之術則人不犯故韓子曰慈父有敗子而嚴家無格虜胡亥悅行督責益嚴刑者相半死尸成積於

市以殺人多者為忠臣丞相去疾及李斯與將軍馮劫  
諫胡亥以寇盜並起皆苦於轉戍且止阿房作者胡亥  
曰君不能禁盜又欲罷先帝所為何以在位遂下之吏  
去疾劫曰將相不辱皆自殺高因譖李斯子由為三川  
守與盜通令高按問斯高詐為御史十輩往訊斯斯以  
實對輒令榜掠斯急上書高令棄之不奏後胡亥使人  
驗斯斯懼如前使者乃誣伏遂具斯五刑腰斬咸陽市  
夷三族○漢義縱河東人也以鷹擊毛鷙為治

言如鷹  
隼之奮

擊毛羽執取飛鳥也

為定襄太守縱至掩定襄獄中重罪三百餘

人縱一切捕鞠曰為死罪解脫是日皆報殺四百餘人

及賓客昆弟私入相視者亦二百餘人郡中不寒而慄

竟坐事誅嚴延年為河南太守其治務在推折豪強扶

助貧弱貧弱雖陷法曲文以出之其豪強而侵小民者

以文內之

飾文而入之於罪也

衆人所謂當死者一朝出之所當

生者詭殺之

詭違正理而殺之

吏民莫能測其意深淺戰慄不

敢犯禁按其獄皆文致不可得反

致至密也言其文案整密也反音幡

吏



忠盡節者厚遇之如骨肉皆親嚮之出身不顧以是治  
下無隱情然疾惡太甚中傷者多尤巧為獄文善史書  
所欲誅殺奏成於手中主簿親近史不得聞知奏可論  
死奄忽如神冬月傳屬縣囚會論府上

總集郡府而論殺

流血

數里河南號曰屠伯竟以政治不道棄市初延年母從

東海來到睢陽適見報囚

奏報行決也

母大驚便止都亭不

肯入府延年出至都亭謁母母閉閣不見延年免冠頓  
首良久母乃見之因數責延年幸得備郡守專治千里

不聞仁愛教化有以全安愚民顧乘刑罰多殺人

顧反也乘

也因欲以立威豈為民父母意哉天道神明人不可獨殺

言多殺人者已亦當死

我不意當老見壯子被刑戮也

言素意不自謂如此

行矣去女東歸掃除墓地耳

言待其喪至也

遂去歸郡見昆弟

宗人復為言之後歲餘果敗東海莫不賢智其母王溫

舒為河內太守先為廣平都尉時皆知河內豪姦之家

及往以九月至令郡具私馬五十疋為驛自河內至長

安設方畧捕郡中豪猾相連坐千餘家上書請大者至

族小者乃死家盡没入償贓奏行不過二日得可論報  
至流血十餘里河內皆怪其奏以為神速盡十二月郡  
中無犬吠之盜溫舒竟坐誅尹賞為長安令長安中姦  
猾浸多閭里少年羣輩殺吏受賕報仇相與探丸為彈

為彈丸作赤白黑  
三色而共探取之

得赤丸者斫武吏得黑者斫文吏白

者主治喪

其黨與有為吏及他人  
所殺者則主其喪事

城中薄暮塵起剽劫

行者死傷橫道枹鼓不絕

枹擊鼓椎  
也音孚

賞以三輔高第選

守長守令得一切便宜從事賞至修治長安獄穿地深

方各數丈致令辟為郭

致謂積累也令辟廐輒也郭謂四周之內也致讀如本字又音

綴令音零辟音避厯反

以大石覆其口名為虎穴乃部戶曹掾史

與鄉吏亭長里正父老五人

五家為五人五人者各其同伍之人也

雜舉

長安中輕薄少年惡子

惡子不承父母教命者

無市籍商販作務

而鮮衣凶服被鎧扞持刀兵者悉籍記之

凶服危險之服鎧甲也扞

臂衣也籍記為名籍以記之

得數百人賞一朝會長安吏車數百兩

分行收捕皆効以為通行飲食

上蔭下嗣

羣盜賞親閱見十

置一

置放也

其餘盡以次內虎穴中百人為輩覆以大石

數日一發視皆相枕籍死便輿出瘞寺門桓東

瘞理也舊亭傳

於四角面百步築土四方上有屋屋上有柱出高丈餘有大板貫柱四出名曰桓表縣所治夾兩邊各一桓陳

宋之俗言桓聲如和今猶謂之和表即華表

楊著其姓名

楊杙也杙杙於瘞處而書死者名也

楊音竭杙音弋並從木

百日後乃令死者家各發取其尸王莽居

攝翟義劉信起兵莽討敗之夷三族誅及種嗣至皆同

坑以棘五毒并葬之其後陳良終滯叛入匈奴莽求得

行焚如之刑燒殺之及天下兵起董忠反莽令劉忠收

其家族以醇醢毒藥尺白刃叢棘埋之○梁元帝即位

於江陵帝素苛刻及周師至獄中死囚且數千人有司  
請釋之以充戰士帝不許並令棒殺之事未行而城陷  
○後魏太武帝太平真君十一年六月誅司徒崔浩清  
河崔氏無遠近及范陽盧氏太原郭氏河東柳氏皆浩  
之姻親盡夷其族初崔浩修國史標立石銘刊國記浩  
本書事備而不典既刊在衢路往來行者以為言事遂  
聞發浩及祕書郎吏以下數百人盡死浩之將誅也幽  
繫置之檻內送於平城南使衛士數十人搜疎有反其上

呼聲嗷嗷聞於行路自宰司之被害未有如浩之甚文  
成帝太安四年始設酒禁是時年穀屢登士人多因酒  
致酗訟或議王政故一切禁之釀酤飲斬吉凶賓親則  
開禁有日程增置內外候官伺察諸曹外部州鎮至有  
微服雜亂於府寺間以求百官疵失所窮理有司苦加  
訊測而多相誣逮輒劾以不敬諸司官贓二丈皆斬又  
增律七十九章門房之誅十有三大辟三十二刑六十  
二秦州刺史于洛侯為政貪酷殘忍部人王當熾奪人

豚脰纏一具洛侯輒鞭當熾一百截其右腕又王隴客  
刺殺王羌奴王愈二人依律死罪而已洛侯拔隴客舌  
刺其本并刺脅腹二十餘瘡隴客不堪痛苦隨刀戰動  
乃立四柱磔其手足命將絕始斬其首支解其體分懸  
道路見之者無不傷楚嘆愕合州驚震人懷憤怒文王  
元壽等一時反叛有司糾劾孝文帝詔使者於州常刑  
人處宣告兵人斬洛侯以謝百姓○北齊文宣帝自六  
年之後遂以功業自矜酷暴昏狂任情喜怒為大鑊長



鋸剉確之屬並陳於庭意有不快則手自屠裂或命左右轡噉以逞其意時楊遵彥秉政乃命憲司先定死罪囚置於仗衛之中帝欲殺人則執以應命謂之供御囚經三月不殺者皆免其死帝嘗幸金鳳臺受佛戒多召死囚編蘆蔭為翅令之飛下謂之放生墜皆致死帝以為歡時有司折獄又皆酷法訊囚則用車輻縐杖夾指壓踝又立之燒犁耳上或使以臂貫燒車釭既不勝其苦皆致誣伏○後周宣帝性殘忍暴虐自在儲貳惡其

叔父齊王憲及王軌宇文孝伯等及即位並先誅戮由是內外不安俱懷危懼其後荒淫日甚惡聞其過誅戮無度疎斥大臣又數行肆赦為姦者皆輕犯刑法政令否塞下無適從於是又廣刑書要制而更峻其法謂之刑經聖制宿衛之官一日不直罪至削除逃亡者皆死而家口籍沒上書字誤者科其罪又作礮礮車以威婦人其決人云與杖者即百二十云多打者即二百四十名曰天杖帝既酣飲過度有下士楊文祐因歌曰朝亦

醉暮亦醉日日恒常醉政事日無次鄭譯奏之帝怒命  
賜杖二百四十而致死後更命中士皇甫猛歌猛又諷  
諫鄭譯又奏之又賜猛杖百二十是時下自公卿內及  
妃后咸加箠楚上下愁怨○隋文帝性猜忌素不悅學  
既任智而獲大位因以文法自矜明察臨下恒令左右  
觀內外小有過失則加以重罪又患令史贓污因私使  
人以錢帛遺之得犯立斬每於殿廷打人一日之中或  
至數四嘗怒問事揮楚不甚即令斬之十年尚書右僕

射高頰理書侍御史柳或等諫以為朝堂非殺人之處  
殿廷非決罰之地帝不納頰等乃盡詣朝堂請罪曰陛  
下子育羣生務在去弊而百姓無知犯法者不息致陛  
下決罰過嚴皆臣等不能有所裨益請自退屏以避賢  
路帝於是顧謂領左右都督田元曰吾杖重乎元曰重  
問其狀元舉手曰陛下杖大如指捶楚人三十者皆比  
常數百故多致死帝不懌乃命殿內去杖欲有決罰各  
委所由後楚州行參軍李君才上言帝寵高頰過甚上

大怒命杖之而殿內無杖遂以馬鞭笞之自是殿內復置杖未幾怒甚又於殿廷殺人兵部右侍郎馮基固諫帝不從竟於殿庭行決帝亦尋悔宣慰馮基而怒羣臣之不諫者也開皇十六年有司奏合川倉粟少七千石命斛律孝卿鞫問其事以為主典所竊復令孝卿馳驛斬之沒其家為奴婢鬻粟以填之是後盜邊糧者一斗以上皆死家口沒官十七年詔又以所在官人不相敬憚多自寬縱事難克舉諸有殿失雖備科條或據律乃

輕論情則重不即決罪無以懲肅其諸司屬官若有僭  
犯聽於律外斟酌決杖於是上下相驅迭行捶楚以殘  
暴為幹能以守法為懦弱是時帝意每尚慘急而姦回  
不止又定盜一錢棄市法聞見不告者坐至死自此四  
人共盜一棖桷三人同竊一瓜事發即時行決有數人  
劫執事而謂之曰吾豈求財者邪但為枉人來耳而為  
我奏至尊自古以來體國立法未有盜一錢而死者而  
不為我以聞吾更來而屬無類矣帝聞之為停盜取一

錢棄市之法帝嘗發怒六月棒殺人大理少卿趙綽固  
爭曰季夏之月天地成長庶類不可以此時誅殺帝報  
曰六月雖曰生長此時必有雷霆天道既於炎陽之時  
震其威怒則天而行有何不可遂殺之帝猜忌愈甚臣  
僚用法尤峻御史以元正日不劾武臣衣劍之不齊者  
或以白帝帝謂之曰爾為御史何縱捨自由命殺之諫  
議大夫毛思祖諫又殺之左領軍府長史考校不平將  
作寺丞以課麥麴遲晚武庫令以署庭荒蕪獨孤師以

私受蕃客鸚鵡帝察知並親臨斬決仁壽中用法益峻  
帝既喜怒不常不復依准科條時楊素正被委任素又  
稟性高下公卿股慄不敢措言素與鴻臚少卿陳延不  
平蕃客館庭中有馬屎又庶僕羶上檣蒲旋以白帝皆  
於西市棒殺而榜捶陳延殆至於斃大理寺卿楊遠劉  
子通等性愛深文每隨衙奏獄能希旨帝大悅並遣於  
殿庭三品行中供奉每月有詔獄專使主之候帝所不  
快則按以重抵無殊罪而死者不可勝言遠又能附楊



素每於塗中接候而以囚名目白之皆隨素所為輕重其臨終赴市者莫不塗中呼枉仰天而哭煬帝大業中外征四夷內窮嗜欲兵革歲動賦斂滋繁窮人無告聚為盜賊帝乃更立嚴刑勅天下竊盜以上罪無輕重不待聞奏皆斬百姓轉相羣聚攻掠城邑誅罰不能禁帝以盜不息乃益肆淫刑九年又詔為盜者籍沒其家自是羣盜大起縣官人又各擅威福生殺任情矣及楊玄感反帝誅之罪及九族其尤重者行轆裂臬首之刑或

磔而射之命公卿以下齕噉其肉百姓怨嗟天下大潰  
貝州刺史庫狄士文至州發姦擿隱長吏尺布斗粟之  
贓無所寬貸得千餘人而奏之士文悉配防嶺南親戚  
相送哭泣之聲遍於州境至嶺南遇瘴癘死者十八九  
於是父母妻子唯哭士文士文聞之令人捕捉捶撻盈  
前而哭者彌甚有京兆韋焜為貝州司馬河東趙達為  
清河令二人並苛刻唯長史有惠政時人為之語曰刺  
史羅刹暴司馬蝮蛇瞋長史含笑判清河生喫人士文

竟坐免田式為襄州總管專以立威為務每視事於外必盛氣以待其下官屬股慄無敢仰視有犯禁者雖至親昵無所容貸其女壻京兆杜寧自長安省之式誠寧無出外寧久之不得還竊上樓瞻眺以暢鬱思式知之笞寧五十其所使奴常詣式白事有蟲上其衣衿揮袖拂去之式以為慢已立即棒殺之或僚吏姦贓部內劫盜者無問輕重悉禁地牢中寢處糞穢令其苦毒自非身死終不得出每赦書到州或未暇省讀先召獄卒殺

重囚然後宣示百姓其暴刻如此由是除名為百姓王文同為恒山郡守有一人豪猾每持長吏長短前後守令咸憚之文同下車聞其名召而數之令左右剡木為大櫬埋之於庭出尺餘四角各埋小櫬令其人跽心於木上縛四支於小櫬以棒毆其背應時潰爛郡中大駭吏人相視懾氣及煬帝征遼東令文同巡察河北諸郡文同見有沙門齋戒菜食者以為妖妄皆收繫獄至河間召諸郡官人小有遲違者輒覆面於地箠殺之有沙

門相聚講論及長老共為佛會者數百人文同以為結聚惑衆斬之又悉課僧尼驗有淫狀非童男女數千人復將殺之百姓號哭於路諸郡驚駭各奏其事帝聞而大怒遣使者達其善意馳鑕之斬於河間以謝百姓讎人剖其棺竊其肉而噉之斯須咸盡○大唐武太后臨朝屬徐敬業反越王貞等起兵遂立威刑以服天下將移神器漸引酷吏務令深文長壽年有上書人言嶺表流人有陰謀逆者乃遣司刑評事萬國俊就按之若得

反狀便行斬決國俊至廣州徧召流人擁之水中以次  
加戮三百餘人一時併命然後鍛鍊曲成反狀仍更誣  
奏云諸道流入咸有怨恨若不推究為變非遙太后又  
命攝監察御史劉光業王德壽鮑思恭王處貞屈貞筠  
等分往劔南黔中安南嶺南等六道按鞠流入光業誅  
九百餘人德壽誅七百人其餘少者不減數百人亦有  
雜犯及遠年流入枉及禍焉時周興來俊臣等相次推  
究大獄乃於都城麗景門內新置推事使院時人謂之

新開獄俊臣又與御史侯思止王弘義郭霸李敬仁評  
事康暉衛遂忠等招集告事者數百人共為羅織以陷  
良善前後枉遭殺害不可勝數又造告密羅織經一卷  
其意旨皆羅網善人織成反狀俊臣每鞠囚無問輕重  
多以醋灌鼻禁地牢中或盛之於甕火四圍繞炙之或  
絕其糧餉至有抽衣絮以啖之者又作大枷凡有十號  
一曰定百脉二曰喘不得三曰突地吼四曰著即承五  
曰失魂膽六曰實同反七曰反是實八曰死猪愁九曰

求即死十曰求破家又令寢處糞穢備諸苦毒有制書  
寬囚徒俊臣必先遣獄卒盡殺重囚然後宣示自是海  
內兇懼道路側目天授二年正月御史中丞知大夫事  
李嗣貞以來俊臣等用法嚴酷上疏曰臣聞陳平事漢  
祖謀疎楚君臣乃用黃金五萬斤行反間之術項王果  
疑臣下陳平反間遂行今告事紛紜虛多實少當有兇  
惡焉知必無陳平先疎陛下君臣後謀良善陛下昨語  
臣云我比已作此意便是愚臣管測先天而天不違至



如羅織之徒即疎間之漸陳平反間其遠乎哉王制曰  
凡制刑決獄以成告於正正聽之以獄成告於大司寇  
大司寇聽之三公以獄成告於王王三宥之然後制刑  
臣竊見比日獄官一單車使推訖萬事即定法家隨斷  
輕重不推有無即時便決不待聞奏此權由臣下非審  
慎之法倘有冤濫何由可知況乎九品之官專命推覆  
操殺生之柄竊人主之威按覆既不在秋官省審復不  
由門下事非可久物情駭懼老子云國之利器不可以

示人今若假此威權便是窺國家利器也不可不慎麟  
臺正字陳子昂上書曰臣聞之聖人出必有驅除蓋天  
人之符應休命也日者東南微孽敢謀亂常陛下順天  
行誅罪惡咸服豈非上天意欲彰陛下神武之功哉而  
執事者不察天心以為人意惡其首亂倡禍法合誅屠  
將息姦原窮其黨與遂使陛下大開詔獄重設嚴刑冀  
以懲勗勸於天下大者流血小禦魑魅今朝廷惶惶莫  
能自固海內傾聽以驚恐愚臣昧焉竊恐非五帝三王

伐罪弔人之意也頃年以來伏見諸方告密因累百千輩大應所告以揚州為名及其窮竟百無一實遂使姦臣之黨快意相讎睚眦之嫌則稱有密一人被訟百人滿獄使者推捕冠蓋如市咸謂陛下愛一人而害百人天下唱之莫知寧所伏願念之即天下幸甚京兆府萬年縣主簿徐堅上疏曰臣聞書有五聽之道慮失實情也今著三覆之奏恐致虛枉也比見有勅勘當反逆命使者得實便決殺人命至重不可再生倘萬分之中有

一不實欲訴無路懷枉誰明飲恨吞聲赤族從戮豈不  
痛哉此不足肅姦逆而明典刑適所以長威福而生疑  
懼臣願絕此處分依法覆奏則死者甘伏知泣辜之恩  
生人歡悅見祥刑之意聖歷元年武太后謂侍臣曰往  
者來俊臣等推按刑獄朝臣遞相牽引咸承反逆中間  
疑有枉濫更遣近臣就獄親問皆得手狀承引不虛近  
日俊臣死後更無聞有反者然則以前就戮者不有冤  
濫者邪夏官侍郎姚元崇對曰比破家者皆是枉酷自

誣而死者特以為功天下號為羅織甚於漢之黨錮  
陛下令近臣就獄問者近臣亦不自保何敢動搖今日  
以後臣以微軀及一門百口保見在內外官更無反者  
乞陛下得告狀但收掌不須推問太后大悅曰以前宰  
相皆順成其事陷朕為淫刑之主太后頗悟於是監察  
御史魏靖上疏曰來俊臣所處極法以其羅織良善臣  
聞郭霸自刺而唱快萬國俊披遮而遽亡崔獻可臨終  
膝拳於頂李敬仁將死舌至於臍皆衆鬼滿庭羣妖橫

道唯徵集應若響隨聲備在人傳不為虛說伯有書見  
殆無以過此亦羅織之一據也倘使平反者數人衆共  
詳覆來俊臣等所推大獄庶鄧艾獲申於今日孝婦不  
濫於昔時恩渙一流天下幸甚於是制錄來俊臣丘神  
勣等所推鞠人身死籍沒者令三司重檢勘有冤濫者  
並皆雪免矣中宗神龍元年制以丘神勣來子珣周興  
萬國俊來俊臣魚承暉王景昭索元禮傳游藝王弘義  
張知默裴籍焦仁亶侯思止郭霸李敬仁皇甫文備陳

嘉言劉光業王德壽王處貞屈貞筠鮑思恭等自垂拱  
以來多枉濫殺人者所有官爵並令追奪於是天下稱  
慶

開元格附

周朝酷吏來子珣

京兆府萬年縣

萬國俊

荊州江陵縣

王弘義

冀州侯

思止

京兆府

郭霸

舒州同安縣

焦仁亶

蒲州河東縣

張知默

河南府緱氏縣

李敬仁

河南府河南縣

唐奉一

齊州金節縣

來俊臣周興丘神勣索

元禮曹仁愬王景昭裴籍李秦授劉光業王德壽屈貞

筠鮑思恭劉景陽王處貞

以上檢州  
貫未獲及

右二十三人殘害宗支毒陷良善情狀尤重身在

者宜長流嶺南遠處縱身沒子孫亦不許仕宦

陳嘉言

河南府  
河南縣

魚承睦

京兆府  
櫟陽縣

皇甫文備

河南府  
緱氏縣

傅游

藝

右四人殘害宗支毒陷良善情狀稍輕身在者宜

配嶺南縱身沒子孫亦不許近任


勅依前件



開元十三年三月十二日



通典卷一百七十



總校官庶吉士臣侍朝

校對官編脩臣裴謙

謄錄監生臣曹秀榆

欽定四庫全書薈要

史部

通典卷一百七十二

詳校官員外郎臣潘紹觀



欽定四庫全書會要卷九千二百八十九

史部

通典卷一百七十一

唐京兆杜佑君卿纂

郡

天下之立國宰物尚矣其畫野分疆之制自五帝始焉  
道德遠覃四夷從化即人為治不求其欲斯蓋羈縻而  
已寧論封域之廣狹乎堯舜地不過數千里東漸于海  
西被流沙朔南暨聲教五帝之至德也武丁成王東則

江南西氏羌南荆蠻北朔方三代之大仁也秦氏削平  
六國南取百越北却匈奴築塞河外地廣而亡逮戰國  
之酷暴也漢武滅朝鮮閩越開西南夷通西域逐北狄  
天下騷然人不聊生追悔前失引咎自責下詔哀痛息  
戍輪臺既危復安幸能覺悟也隋煬逐吐谷渾開通西  
域招來突厥征伐高麗身弑祀絕近代殷鑒也夫天生  
烝人樹君司牧是以一人治天下非以天下奉一人患  
在德不廣不惠功不廣秦漢之後以重斂為國富卒衆

為兵強拓境為業大遠貢為德盛爭城殺人盈城爭地  
殺人滿野用生人膏血易不殖土田小則天下怨咨羣  
盜蜂起大則殞命殲族遺惡萬代不亦謬哉則五帝三  
王可以師範凡言地理者多矣在辨區域徵因革知要  
害察風土纖介畢書樹石無漏動盈百軸豈所謂撮機  
要者乎如誕而不經徧記雜說何暇編舉謂辛氏三秦  
記常璩華陽  
國志羅含湘中記盛弘之荊州記之類皆自述鄉國靈  
怪人賢物盛參以他書則多紕謬既非通論不暇取之  
矣或覽之者不責其略焉

第一序目上

凡郡府三百二十九

第二序目下

第三古雍州上

今置郡府二十四

第四古雍州下

今置郡府十八

第五古梁州上

今置郡府二十六

第六古梁州下

今置郡府三十七

第七古荆河豫州

今置郡府十八

第八古冀州上

今置郡府二十二

第九古冀州下 今置郡府十九

第十古兗州 今置郡府十

古青州 今置郡府七

古徐州 今置郡府五

第十一古揚州上 今置郡府十二

第十二古揚州下 今置郡府二十七

第十三古荊州 今置郡府三十三

第十四古南越 今置郡府七十一



州郡一

序目上

上古三國

唐虞

三代

秦

漢

後漢并

北齊

後周

隋

昔黃帝方制天下立為萬國易稱首出庶物萬國咸寧

蓋舉其大數

及少皞氏之衰其後制度無聞矣若顓頊之所

建帝嚳受之創制九州統領萬國

雍荆豫梁徐冀青兗揚

○堯遭

洪水而天下分絕使禹平水土還為九州如舊制也舜

攝帝位分為十二州

雍荆豫梁冀幽并青營徐兗揚

故虞書云肇有十

二州也。○夏氏革命又為九州塗山之會亦云萬國四

百年間遞相兼并殷湯受命其能存者三千餘國亦為

九州分統天下冀荆豫雍揚兗徐幽營營則禹貢青州也載祀六百及乎周

初尚有千八百國而分天下為九畿方千里曰王畿其

外曰侯畿亦曰服又外曰甸畿又外曰男畿又外曰采畿

又外曰衛畿又外曰蠻畿又外曰夷畿要服又外曰鎮

畿又外曰藩畿荒服也自侯甸男采衛蠻夷鎮藩即九畿也各相去五百里為限也至成

王時亦曰九州屬職方氏揚荆豫青兗雍幽冀并其後諸侯相并

有千二百國及平王東遷迄獲麟之末二百四十二年

間諸侯征伐更相吞滅不可勝數而見於春秋經傳者

百有七十國焉

百三十九國知土地所在  
三十一國不知其處也

蠻夷戎狄不

在其數逮乎下分地理上配天象所定躔次總標十三

及周之末唯有七國

秦昭王時西周盡獻其地邑三十六口三萬受獻而歸其人至莊襄

王滅東西周王國七城而已

○秦制天下為四十郡其地則西臨洮

而北沙漠東縈南帶皆臨大海○漢興以秦地太大更

加置郡國其後開越攘胡土宇彌廣改雍曰涼梁曰益

又置徐州復禹舊號南置交趾

初為交趾後為交州

北有朔方

初為

朔方後為并州

凡為十三州部刺史

司隸并荆兗揚荆河冀幽青徐益交涼

而不

常所理至哀平之際凡新置郡國六十三焉與秦四十

合百三縣邑千三百一十四道三十二侯國二百四十

一地東西九千三百二里南北萬三千三百六十八里

此漢之極盛也。○後漢光武以官多役煩乃并省郡國

十縣道侯四百餘所其後亦為十三州部司隸治河南

府豫治譙

今鄆縣

兗治昌邑

今魯郡金鄉縣

徐治郯

郯音談今臨淮郡下邳縣

青治臨淄

今北海郡縣

涼治隴

隴天水郡城縣

并治晉陽

今太原府

治鄆

河各反今趙郡高邑縣

幽治薊

今范陽郡

揚治厯陽

今郡縣

益治雒

今永昌郡荆治漢壽

今武陵郡武陵縣

交治廣信

今蒼梧郡蒼梧縣

漸復加

置郡國至於靈獻凡百有五焉縣道侯國千一百八十

桓帝永興初有鄉三千六百八十二亭萬二千四百二十

東樂浪郡西燉煌郡南日

南郡北鴈門郡西南永昌郡四履之盛亦如前漢○魏

氏據中原有州十二司隸荆河兗青徐涼秦冀幽并揚

雍

分涼州置秦州理上邽今天水郡揚治壽春今郡徐治彭城今郡荆治襄陽今郡涼治武威今郡餘並因

代前有郡國六十八東自廣陵

文帝黃初六年親征幸廣陵故城及旋師留張遼屯

江都齊王嘉平後屬吳即今郡

壽春

母丘儉諸葛誕皆鎮之

合肥

明帝青龍元年蒲寵於合肥西

北三十里築新城

吳軍頻攻不拔即今廬江郡故魏明帝云先帝東置合肥南守襄陽西固祁山賊來輒破於

三城之下者地有所必爭之也

沔口

建安十五年文聘為江夏太守鎮焉其後吳軍頻攻不拔青龍後屬

吳即今漢陽縣

西陽

黃初中蒲寵令將守之今齊安郡

襄陽

建安二十四年徐晃守之蜀將關羽

攻不下

重兵以備吳

江淮之間除鎮兵處更無人居青龍之中孫權遣數千家佃於江北為滿

寵破

西自隴西

今郡

南安

今隴西郡隴西縣齊王嘉平五年蜀將姜維來伐攻隴西

南安皆

祁山

明帝太和二年蜀將諸葛亮攻祁山城不拔今同谷郡長道縣東十里

漢陽

明帝青龍二年蜀將諸葛亮來陳倉建安二十四年因伐遣兵備於此即今天水郡蜀將破夏侯妙才

於漢中遂令張郃守陳倉太和二年諸葛亮以數萬人攻陳倉將軍郝昭以千人守二十餘日不拔在今縣東

三十里故城是攻郿又不克在今縣東北十五里故郿城是並今扶風郡重兵以備蜀○蜀

主全制巴蜀置益治成都梁治漢中二州有郡二十二

以漢中建安末破魏將夏侯妙才後遂有漢川以魏延鎮守後蔣琬姜維相繼鎮於此即今郡地興

勢後主延熙七年將軍王平守之魏大將軍曹爽攻不克今洋川郡興道縣也白帝先主章武元年

屯之遂為重鎮後主建興十五年並為重鎮○吳主北

據江南盡海置交治龍編今安南府廣孫權置治番禺今南海郡荆治南郡今江陵

郡郢治江夏揚治建業今丹五州有郡四十有三以建

平自孫權黃武初破蜀先主後得之孫皓天紀四年晉軍沿流來伐守將吳彥請增兵皓不從今巴東郡

西陵建安二十四年因蜀將關羽北討魏將于禁等於襄陽陸遜為宜都守鎮此黃武初蜀先主來伐遜

大破之後步闡陸抗樂鄉吳孫皓建衡三年陸抗所築並鎮焉即今夷陵郡樂鄉城後朱然修之成焉晉

王濬攻樂鄉獲水軍督陸景平西將軍南郡自建安末施洪以城降在今江陵郡松滋縣東

蜀將糜芳來降遂得之孫皓鳳凰元年將張咸任延並守之晉軍平吳當陽侯杜元凱趨於此即今江陵郡

巴丘建安十九年魯肅孫皓寶鼎元夏口建安十三年

剋之後遂置兵鎮孫皓天紀元年孫慎守之武昌孫權及晉平吳將軍胡奮趨於此即今江夏郡



元年城武昌陸遜諸葛恪滕允鎮守及晉  
平吳將軍王戎趨於此即今江夏郡是  
皖城建安十年孫

權克之權赤烏四年諸葛牛渚圻孫皓天紀末何植鎮  
恪屯此今同安郡皖音患

趨於此即今宣城濡須塢建安十七年築後曹公頻來  
郡當塗縣采石也攻不克在今歷陽縣西南百

里八十並為重鎮其後得沔口孫權嘉禾後陸  
遜諸葛瑾屯守邾城赤烏四年

陸遜常以三萬兵戍之今齊安郡廣陵孫亮建興三年  
東西界臨江與江夏郡武昌相對衛尉馮朝城廣

陵自三國鼎立更相侵伐互有勝負疆境之守彼此不

常纔得遽失則不暇存也今略紀其久經屯鎮及要害

之地焉其守將亦略紀其知名者○晉武帝太康元年

餘不可徧舉他亦倣此

平吳分為十九州部置司州治洛陽

今河南府

兗治廩丘

今濮

陽郡雷澤縣是

荆河治項

今淮陽郡項城是

冀治房子

今趙郡縣

并治晉陽

青治臨淄徐治彭城荆初治襄陽後治江陵

今揚郡

初治

壽春後治建業涼治武威分三輔為雍治京兆

今府

分隴

山之西為秦治上邽

今天水郡縣

益治成都分巴漢之地為

梁治南鄭

今漢中郡縣

分雲南為寧治雲南

今郡

幽治涿

今范陽郡

范陽縣

分遼東為平治昌黎

今安東府

交治龍編

今安南府

分合浦

之北為廣治番禺又增置郡國二十有二凡州百五十

有六縣千一百有九以為冠帶之國盡秦漢之土及永

嘉南渡境宇殊狹九州之地有其二焉初元帝命祖逖

鎮雍丘

建武初逖北鎮守雍丘今陳留郡縣

逖死北境漸蹙

大興四年逖死

於是

荆河

自淮北今汝南汝陰南陽等郡以北

青兗四州

今東萊東牟高密北海淄川濟南等郡地

及徐州之半

今彭城瑯琊等郡

陷劉曜石勒以合肥

戴若思鎮守之

淮

陰

劉隗鎮守即今山陽郡縣

壽陽

祖約鎮守後又陷於石勒季龍死後復之即今壽春郡地

泗口

劉遐鎮守即今臨淮郡宿遷縣界

角城

安帝義熙中置亦在宿遷縣界

為重鎮成帝時

鄧守將退屯襄陽

咸陽初魏訪屯鄧為劉曜將黃秀所逼而退守襄陽後亦陷石勒尋復之

庾翼朱序皆鎮於此又為苻堅穆帝時平蜀漢永和三年桓溫

將苻丕所陷尋又復之即今郡西討擒復梁益之地梁州則漢川是又遣軍西入關至霸

李勢上十年桓溫討苻健於今京再北伐一至洛陽永和二年溫

討慕容儁破其將姚一至枋頭廢帝太和三年溫又討

襄於伊水時襄已降慕容暉敗還今汲郡衛

縣界枋音方所得郡縣軍旋又失洎苻堅東平慕容暉太和五年

西南陷蜀漢西北尅姑臧孝武太和五年張天則漢水

長淮以北悉為堅有及堅敗太和八年再復梁九年將郭益

蜀郡太守任權斬苻堅益州刺史李平益州平青徐兗荆河之地其後青兗陷

於慕容德

安帝國諱改焉崇安三年德據之殺幽州刺史辟閭渾時鎮守廣固即今北海郡也荆

河司陷於姚興

崇安三年

以彭城為北境藩捍

朱序鎮守

後益梁

又陷於譙縱

義熙初陷

每因劉石苻姚衰亂之際則進兵屯

戍在於漢中襄陽彭城然大抵上明

今江陵郡松滋縣

江陵夏

口武昌合肥壽陽淮陰常為晉氏鎮守

其刺史所治皆置州兵雖有不

經攻圍互是重鎮他皆類此

義熙以後又復青兗司荆河梁益之地

而政移於宋矣。○宋武北平廣固

晉安帝義熙六年平慕容超得青州之地

廣固即今北海

西定梁益

九年朱齡石平譙縱

又討長安

十三年姚泓

盡得

河南之地長安尋為赫連勃勃所陷至廢帝滎陽王景

平中武牢以西復陷於後魏今大較以孝武大明為正

凡二十有二州揚治建業南徐治京口今丹陽郡徐治

彭城南兗治廣陵兗治瑕今魯郡縣南荆河治歷陽荆河治

汝南今汝南郡汝陽縣江治潯陽今郡縣青治臨淄初治歷城今濟南郡縣後

治廣固後又移治臨淄即今縣是冀治歷城司治義陽今郡荆治南郡郢

治江夏今郡湘治臨湘今長沙郡雍治襄陽梁治南鄭秦亦治

南鄭益治成都今蜀郡寧治建寧今雲南郡廣治南海交治龍

編越治臨鄆

今合浦郡自東晉成帝時中原流民多南渡遂於江漢淮之間僑立州郡以撫其民

中間併省廢置離合非一不能詳誌焉今紀其所治經久者他皆類此

郡凡二百三十有

八縣千一百七十有九初文帝元嘉中遣將北伐水軍

入河尅魏碣礪滑臺武牢洛陽四城

碣礪即今濟陽郡城滑臺今靈昌郡

城武牢今汜水縣洛陽今故洛陽城碣口交反礪音毅

其後又失又分軍北伐西

軍尅弘農開方二城

並今弘農郡

以東攻滑臺不尅而平礪

礪守之尋皆敗退

元嘉二十七年王玄謨於滑臺敗歸時柳玄景拔弘農開方及玄謨敗亦

棄而退

於是後魏主太武總師經彭城臨江屯於瓜步今廣

陵郡六合縣東

退攻盱眙不拔而旋

臧質守之魏師攻圍三旬不拔今淮陽郡縣

明

帝時後魏又南侵淮北青冀徐兗四州及荊河州西境

悉陷沒

太始二年徐州刺史薛安都引魏軍自是沈文秀東陽城崔道固歷城並為魏將慕容白曜所

陷安都以彭城常珍奇以懸瓠並降魏懸瓠今汝南郡城

則長淮為北境僑徐兗於

淮南

淮陰立兗州鍾離立徐州

立青冀二州寄治贛榆

今東海郡東海縣贛古淡

反

其後十餘年而宋亡然初強盛也南鄭襄陽懸瓠

元嘉

二十六年後魏主太武率兵攻圍汝南太守陳憲等拒四十餘日魏人積屍與城齊不拔而退

彭城歷

城東陽

廢帝景平初筑夔鎮守後魏攻圍數旬不尅即今北海郡治東城

皆為宋氏藩



捍○齊氏淮北之地所以全少青州治朐山

今東海郡朐音衢

冀治渦口

今臨淮郡漣水縣

荆河治壽春

荆河州自東晉以後或治淮南或治淮北

不恒其所今舉其要害之地

北兗治淮陰北徐治鍾離

今

又置巴東

治巴

今雲安郡

其餘州郡悉因宋代州二十有三郡三百九

十有五縣千四百七十有四其後頻為後魏所侵至東

昏永元初沔北諸郡相繼敗沒

今南陽郡地

又遣軍北伐敗

於馬圈退屯盆城

魏馬圈城去襄陽三百里時陳顯達攻圍四十餘日不拔魏援師至敗還

在今南陽郡界又失壽春

永元二年荆河州刺史裴叔業以城叛入魏

後三年齊亡

齊氏七主凡二十四年內難繁興不  
遑外略及東昏暴虐北境彌蹙也  
始全盛也南鄭帝明

建武二年後魏大將元英來伐梁州  
刺史蕭懿守拒攻圍百餘日不下  
樊城今襄陽郡安  
養縣建武中

後魏主孝文率兵十萬數  
旬攻圍將曾武拒不下  
襄陽義陽壽春  
謂垣崇祖曰

兵衝要地切備魏師俄而魏將  
王肅以師二十萬至敗而歸  
淮陽角城  
明帝初後魏  
南侵以李安

仁戌  
連口朐山為重鎮○梁氏州郡多沿舊制天監中

州二十有三郡三百五十縣千二十有五其後更有析

置大同中州百有七郡縣亦稱於此自侯景逆亂建康

傾陷墳籍散逸不可得而詳焉初武帝受禪數年即失

漢川及淮西之地

天監三年梁州刺史夏侯道遷以本部叛降後魏自劍閣以北並陷沒又

魏將元英破將軍馬仙埤於義陽失地

其後諸將頻年與魏軍交戰於淮

南淮北互有勝負

自天監四年以後將張惠紹尅魏宿遷城韋叡尅合肥裴邃尅霍丘城朐

山城尋皆敗唯合肥獨存

雖得懸瓠彭城俄而又失

天監六年魏軍主白早生荊河

州刺史胡遜以懸瓠普通六年徐州刺史元法興以彭城並內屬無何悉復於魏

又尅壽春

普通

七年將夏侯亶元植等尅之獲魏揚州刺史李憲自齊東昏永元二年陷後魏至是凡二十七年南朝始復

中大通初大舉北伐淮北城鎮相次尅平直至洛陽暫

為梁有

中大通元年魏將爾朱榮害胡太后及少主魏朝大亂遣將陳慶之率軍送元顥為魏主入河

陽六旬五日爾朱榮來攻慶之渡河守北中府城數日  
顓敗慶之亦奔退所得之地尋亦失之中府地即今河

陽北

城是其後又復漢中

大同中將蘭欽尅之自天監二  
年失漢川凡經四十三年却復至

東魏將侯景以河南地降逆亂相尋有名無實及景平

後江北之地悉陷高齊漢川蜀川沒於西魏

太清初侯景以十三

州來降旋為東魏將慕容紹宗所敗二年景舉兵反圍  
建康陷之及景平後元帝承聖初齊將辛術南伐盡復

淮南江北之地得傳國璽反於齊三年西魏將達大抵  
奚武陷漢川尉遲迥陷蜀川其漢川經九年復失

雍州

今襄州

下差

音槎

戍漢東郡棗陽縣東南

夏口白芍堆

大同中東魏靜帝遣

將克雄為南境守將雄曰白芍堆梁之硤石城  
北面重鎮請備之在今汝南郡真陽縣硤石城今汝陰  
郡下蔡

縣

合州

即合

鍾離

將康絢鎮守之

淮陰朐山為重鎮

天監三年角城戍主

柴慶宗以角城十年東莞太守劉晰以朐山並降入魏

○陳氏比於梁代土宇彌

蹙西不得蜀漢北失淮肥以長江為境

文帝天嘉初湘川之地為周軍

所陷二年侯瑱剋平之湘川今

有州四十有二地轉狹而州益

多暨後州郡又數倍多於前代故不可詳

郡百有九縣四百三十有八宣帝

大建中頻年北伐諸將累捷盡復淮南之地

將吳明徹於壽春城

斬高齊將王琳

更經略淮北大破齊軍於呂梁及旋師屬高齊

國亡又總軍北伐至呂梁周軍來拒又大破之

自大建五年北

伐七年破齊軍九年又破周將梁士彥悉得梁淮北城鎮下邳朐山旋為周軍所敗悉虜

其衆

時梁士彥守彭城明徹來攻未下十年周將王軌來伐明徹退師全軍沒於清口

自是江

北之地盡沒於周又以長江為界

十二年周大將司馬消難以淮西地來降

又遣將周羅暉攻剋新野尋並失之及隋軍來伐遣將守狼尾灘

後主禎明三年

威欣守之今夷荆門將仲肅據之

安蜀城

將顧覺鎮之亦夷陵郡縣

公安

將陳紀鎮之今江陵郡縣

巴陵以下並風靡退敗

信州道大總管清河公楊

素自峽中舟師東下東方守將相繼而破信州即今雲安郡也

隋軍自采石

隋將韓擒武襲陷之

京口

賀若弼襲陷之

渡江而平之。○後魏起自北方至道武率

兵下山東攻拔慕容寶中山

今博陵郡唐昌縣

遂有河北之地

於是遷都平城

今雲中郡

慕容氏喪敗遣將南畧地至於滑

臺許昌

今潁川郡

彭城明元帝泰常中始於滑臺許昌置兵

鎮守

道武天興中長孫肥等尅滑臺許昌尋不能守至是始有之

太武帝時又得蒲

坂

今河東郡

長安統萬

始光中遣軍伐赫連昌尅蒲坂及長安又尅統萬後遂滅赫連統萬即赫

連所都今朔方郡是

神麴中宋師來伐碣磳

今濟陽郡城

滑臺武牢

今河

南府汜

是戍將皆不守尋並復之

神麴三年宋將到彥之王仲德等陷滑臺武牢

洛陽遣安頡叔孫建等擊敗走之

太延以後東平遼東西平姑臧

三年東伐

馮弘五年西伐沮渠茂虔並滅之

於是西至流沙東接高麗所未得者

漢中及南陽懸瓠彭城青州之南而已其後帝自南征

遂臨瓜步宋淮北城鎮守將多有敗沒

太平真君十一年因宋將王玄

謨來侵剋碭城戍將濟州刺史王買德棄城而走宋師至滑臺敗帝乘勝至江上

獻文天安初

自河之南長淮之北皆為魏有

時因宋晉安王子勛之亂遣將慕容白曜畧地

破宋將沈文秀畢衆欽薛安都崔道固常珍奇遂有其地

孝文遷都洛陽

太和十九年徙都

頻歲親征皆渡淮沔

二十一年屯新野及樊城

宣武初又

得壽春

景明初齊將裴叔業以壽春來降後至明帝孝昌二年又陷入梁

續收漢川至



於劔閣兼得淮西之地

正始初梁將夏侯遷以漢中降又元英破梁將馬仙埤於義

陽遂有其地

莊帝時梁軍洛陽數旬敗走

永安初因爾朱榮害胡太后少帝之

亂梁將陳慶之送元顥為魏主

爾後內難相繼不暇外略三四年後分

為東西魏矣皆權臣擅命

具周齊事中

自永安末年爾朱世

隆稱兵入洛圖籍散亡不可詳記今按舊史管州百十

有一郡五百十有九縣千三百五十有二

按魏收史所載州郡是東

魏靜帝武定中其時洛陽以西及關中梁並之地悉屬西魏收猶總而編之

自太武以後漸

更強盛東征西伐尅定中原屬宋明以後及於齊梁國

土漸蹙自守不暇雖時有侵掠而退不旋踵故魏之城

鎮少被攻圍因利進取不常所守也○北齊神武東魏

天平末大舉西伐至蒲津

靜帝天平四年三道伐西魏齊神武自總大衆至蒲津竇

泰自風陵濟河至潼關高敖曹入武關陷上洛以泰軍敗沒並旋師風陵在潼關北岸相對

西魏乘

勝攻陷陝州

周文帝率李弼等東征下陝州擒刺史李祥伯即今陝郡

神武西至沙

苑

其年冬大敗而歸今馮翊郡界

西軍又乘勝襲陷洛陽

西魏將獨孤如願據金墉

明年西師又至於河陰

今洛陽縣北

時拒守河陽城

潘相樂守北城

即據此高永樂守南城即今城後周文帝親征不尅

西師敗歸

元象元年周文帝親征敗還如願亦

棄金墉遁走神武遂毀其城

其後神武攻圍西魏玉壁不尅

興元四年西魏

將王思政守之今絳郡稷山縣

西師來伐至於邙山

武定初周文帝親征神武禦之敗殺

周將後神武又圍玉壁不尅

武定四年西魏將韋孝寬守之

文襄遣將

圍潁川拔之

自武定五年冬攻圍至明年六月城陷

於是河南自洛陽之

西河北自晉州之西

今平陽郡

悉入西魏文宣之代命將略

地南際於江矣

天保二年屬侯景亂梁遣辛術南討遂得傳國璽又過江得梁夏口後二國通

和旋師矣

武成河清中築戍於軹關

河清二年遣斛律光築之今河南府濟源界

其年周軍至洛陽敗還

晉公護統軍將楊標等至軹關敗走

後主武平中

陳軍來侵盡失淮南之地

武平五年以後陳將吳明徹頻歲來侵淮南城鎮皆不守

諸將累敗

周師攻拔河陰大城

周武親征有疾班師

幼主崇化末西師

攻拔晉州

今平陽郡

因之國滅

齊都於鄴即今郡縣

自東西魏之後天

下三分梁陳有江東宇文有關西高氏據河北有州九

十有七郡百六十縣三百六十有五

文宣天保七年已併省州三郡百五

十三縣五百八十九鎮二戌二十六

當齊神武之時與周文帝抗敵十三

四年間凡四出師大舉西伐周師東討者三焉

略舉齊神武周

文帝統師親征諸將攻戰則不復紀

自文宣之後纔守境而已大抵西則

姚襄城

今文城郡西城則姚襄所築西臨黃河控帶龍門之險周齊交爭之地後主武平二年大將斛

律光破周兵於城遂立鎮焉

洪洞

今平陽郡縣北故城四固垂復控據要險崇化末周師既尅晉州其

城主張元靜以城降周

晉州武平關

三關並今絳郡正平縣界栢崖城侯景所

縣軹關河陽南則武牢

陸子章增築城守

洛陽北荊州

今陸渾縣東北

是故城

孔城防

今伊闕縣東南故城是

汝南郡

今臨汝郡梁縣南

魯城

今汝南郡

魯山縣東北

置兵以防周寇

自洛陽之南襄城汝陰汝南以北皆齊有

及陳師侵

軼數歲齊亡南境要害未遑制置也○周文帝西魏大

統中東魏師至蒲津

文帝大統二年齊神武親征至蒲津以竇泰死退軍

文帝東

征尅陝州兼得宜陽郡郃郡

郃郡今絳郡垣縣宜陽郡今福昌郡

東師又

至沙苑

其年冬齊神武親征大敗走

後文帝東征至河陰先勝後敗

大統四年殺魏將高敖曹

築城於玉壁

大統八年將王思政築之齊神武攻圍不尅至十二年韋

孝寬守之齊神武又攻圍六旬不尅

文帝又至邙山先勝後敗

大統九年得梁

雍州

十六年梁雍州刺史岳陽王詵舉州內附

廢帝初尅平漢中

自梁侯景逆亂遣將

達奚武尅之也

又遣軍平蜀

將尉遲迥尅之

文帝西征至姑臧後又平

江陵

齊王廓後元初于謹平之殺梁元帝

自是疆理西有姑臧西南有全

蜀南至於江矣

明帝武成二年將賀若敦尅陳湘川之地三年失之今澧陽武陵長沙衡陽等

地其河南自洛陽之東之北河東自平陽之界屬於高

齊至武帝建德中東征拔齊晉州城尋又東征破齊師

於晉州城下

建德五年攻拔晉州使梁士彥守之齊後主來攻三旬餘不拔六年又破齊後主軍

乘勝平齊後遣軍破陳軍於呂梁

將王軌破陳將吳明徹悉虜其衆也其

東南之境盡於長沙通計州二百十有一郡五百八縣

千二十有四當全盛戰爭之際則玉壁

初王思政守後韋孝寬守東師

攻不拔遂置勳州

邵郡齊子嶺

今王屋縣東二十里周齊分界處

通洛防

故函闕城

武帝保定中改名

黃櫨三城

今永寧縣西北

宜陽郡陝州主剡

今長水郡西

三荆

將獨孤信略定北荆州今即伊陽縣東荆州後改曰淮州今淮安郡荆州

今南陽郡

三鵠鎮

今汝州魯山縣西南名平高城

置兵以備東軍○隋文帝

開皇三年遷都大興城

即今城

遂廢諸郡以州治人

自三代以

前為九州兩漢加置十三州晉宋之後分析漸多至於魏齊後周雖割據鼎立天下分裂其於州郡乃倍兩漢

之地隋氏以官繁人弊遂廢五百餘郡而以州治人名則因循職事同於郡守無復刺舉之任自九載

廓定江表尋以戶口滋多析置州縣煬帝大業初移洛

陽城

即今城

又平林邑更置三州既而併省諸州三年改

州為郡乃置司隸刺史分部巡察

本史不分別所領諸郡

五年平



定吐谷渾更置四郡大凡郡百九十縣千二百五十五  
東西九千三百里南北萬四千八百一十五里東南皆  
至於海西至且末隋氏西境唯得今燉煌郡以東且子余反北至五原即今九原  
郡按隋氏北境唯至於河隋氏之盛極於此矣

通典卷一百七十一

欽定四庫全書薈要卷九千二百九十

史部

通典卷一百七十二

唐京兆杜佑君卿纂

州郡二

序目下

大唐

大唐武德初改郡為州太守為刺史其邊鎮及襟帶之地置總管府以領軍戎至七年改總管府為都督府自因隋季分割州府倍多前代貞觀初并省州縣始於山

河形便分為十道一曰關內道二曰河南道三曰河東道四曰河北道五曰山南道六曰隴右道七曰淮南道八曰江南道九曰劔南道十曰嶺南道既北殄突厥頡利西平高昌東西九千五百十里南北萬六千九百十八里高宗平高麗百濟得海東數千餘里旋為新羅靺鞨所侵失之又開四鎮即西境拓數千里于闐疎勒龜茲焉耆諸國矣景雲二年又分置二十四都督府分統諸州時議以權重不便尋罷之開元二十一年分為十

五道置採訪使以檢察非法京畿

理西京城內

都畿

理東都

關

內

多以京官遙領

河南

理陳留郡

河東

理河東郡

河北

理魏郡

隴右

理西平郡

山

南東

理襄陽郡

山南西

理漢中郡

劔南

理蜀郡

淮南

理廣陵郡

江南東

理吳郡

郡

江南西

理章郡

黔中

理黔中郡

嶺南

理南海郡

又於邊境置節度

經畧使式遏四夷

節度使十經畧守捉使三

大凡鎮兵四十九萬人

戎馬八萬餘疋每歲經費衣賜則千二十萬疋段軍倉

則百九十萬石大凡千二百十萬

開元天寶每歲邊用不過二百萬

鎮

西節度使

理安西二萬四千馬二千七百疋

寧西域統龜茲國焉耆國

在理所東

于闐國

在理所西二千里

疎勒國

在理所西北庭節

度使

理北庭都護府管兵二萬人馬五千疋衣賜四千八十疋段

防制突騎施堅昆

斬啜

西北去突騎施三千餘里北去堅昆七千里東北去斬啜千七百里

管瀚海軍

北庭都護

府城內開元中置管兵七千五百人馬二千四百疋

建康軍

張掖郡西二百里嗣聖初王孝傑置管兵

五千三百人馬五百疋東去理所七百里

寧寇軍

張掖郡東北千餘里天寶二年置管兵千七百人馬

百疋西去理所千餘里

玉門軍

酒泉郡西二百餘里武德中楊恭又置管兵五千二百人馬六百疋

東去理所千二百里

墨離軍

晉昌郡西北千里管兵五千人馬四百疋東去理所千四百里

豆盧

軍

燉煌郡城內管兵四千三百人馬四百疋去理所七千里

新泉軍

會寧郡西北三百里大足初郭

元振置管兵千人張掖郡守捉東去理所五百里管兵西去理所四百里

烏城守捉武威郡南二百里管兵五百人交城守捉武威郡西二百里管兵千人白

亭守捉武威郡西城五百里管兵千七百人朔方節度使理靈武郡管兵六萬四千七百

人馬萬四千三百疋捍禦北狄統經畧軍靈武郡城內衣賜二百萬疋段管兵三萬七

百人馬豐安軍靈武郡西黃河外百八十餘里萬歲通天初置管兵八千人馬千三百疋定

遠城靈武郡東北二百里黃河外景龍中韓公張仁愿置管兵七千人馬三千疋西城九原郡北

黃河外八千里景龍中韓公張仁愿置管兵七千人馬千七百疋西南去理所千餘里安北都護

府亦曰中受降城景龍中韓公張仁愿於黃河北岸置管兵六千人馬二千疋南去理所千三百餘里東

城

榆林郡東北二百里景龍中韓公張仁愿置管兵振  
七千人馬千七百疋西南去理所千六百餘里

武軍

單于都護府城內天寶中王忠嗣置管兵九  
千人馬千六百疋西去理所千七百餘里

河東

節度使

理太原府管兵五萬五千人馬萬四千疋  
衣賜百二十六萬疋段軍糧五十萬石

犄角

朔方統天兵軍

太原府城內聖歷二年置管  
兵二萬人馬五千五百疋

雲中郡守

捉

東南去單于府二百七十里調露中裴行儉破突厥  
置管兵七千七百人馬千二百疋東南去理所八百

里大同軍

鴈門郡北三百里調露中突厥南侵裴行儉  
開置管兵九千五百人馬五千五百疋南去

理

所八橫野軍

安邊郡東北百四十里開元中河東公  
張嘉貞移置管兵七千八百人馬千八

理

所定襄郡

去理所百八十  
里管兵三千人

鴈門郡

去理所五  
百里管兵

四千樓煩郡東南去理所二百五十里管兵三千人  
奇嵐軍樓煩郡北百里長安中李

迥秀置管兵千人東南去理所二百五十里奇姑我反  
范陽節度使理范陽郡管兵九萬一千

人馬六千五百疋衣賜八制臨奚契丹統經略軍范陽郡城

十萬疋段軍糧五十萬石  
內管兵三萬人  
威武軍密雲郡城內萬歲通天二年置

馬五千四百疋  
所二里清夷軍媯川郡城內垂拱中刺史鄭崇述置管兵萬人馬三百疋南去理所二百十里  
靜

塞軍漁陽郡城內管兵萬一千人  
恒陽軍常山郡城東

兵六千  
五百人北平軍博陵郡西開元中高陽軍上谷郡城內

唐興軍文安郡城內橫海軍景城郡城西南平盧節度



使

理人馬柳城郡管兵三萬七千五百  
人馬五千五百疋衣糧數失

鎮撫室韋靺鞨統平

盧軍

柳城郡城內開元初置管兵  
萬六千人馬四千二百疋

盧龍軍

北平郡城內  
管兵萬人馬

五百匹東去  
理所七百里

渝關守捉

柳城郡西四百八十里管兵三  
千人馬百疋去理所二百二十

里

安東都護府

西去柳城郡二百七十里管  
兵八千五百人馬七百疋

隴右節度

使

理西平郡管兵七萬五千人馬萬  
六百疋衣賜二百五十萬疋段

以備西戎統臨洮

軍

開元中移就節度衙管兵  
萬五千人馬八千四百疋

河源軍  
西平郡西百二十  
里儀鳳二年李乙

夫置管兵萬四千  
人馬六百五十疋

白水軍

西平郡西北二百三十里開  
元五年郭知運置管兵四千

百人馬五  
百疋

安人軍

西平郡星宿川西開元七年  
置管兵萬人馬三百五十疋  
振武軍  
西

郡西三百里開元中

信威戎軍

臣西平郡西北三百里

安郡王禕置兵千人

二十六年置管兵綏和守捉

臣西平郡西二百三十里開元二年郭知運置管兵千

人

合川郡界守捉

西平郡南百八十里貞觀中侯君集置管兵千人

莫門軍

臨洮

郡城內儀鳳二年置管兵五千五百人馬二百疋

寧塞軍

寧塞郡城內臣亡父先臣希望開元二十

六年置管兵五百人馬五十疋

積石軍

寧塞西百八十里儀鳳二年置管兵七千人馬一百疋

鎮

西軍

安鄉郡城內臣亡父先臣希望開元二十六年置管兵萬三千人馬三百疋

平夷守捉

安鄉郡城西南四十里開元二年郭知運置管兵三千人

劍南節度使

理蜀郡管兵三萬九百人

馬二千疋衣賜八十萬疋段軍糧七十萬石

西抗吐蕃南撫蠻獠統團結營

蜀郡城內管兵萬四千八百人

**臨翼郡**

通化郡北四百人

**通化郡**

維川郡東二百七十里管兵三百人

**維川郡**

通化郡西二百七十里管兵五百人

**天寶軍**

平戎

城東八十里在維川郡東開元二十八年章仇兼瓊置兵千人

**蓬山郡**

維川郡北管兵五百人

**交**

**川郡**

臨翼郡北百里管兵二千八百人

**平戎城**

恭化郡南八十里開元二十八年章仇兼瓊開

置管兵一千人

**廬山郡**

臨邛郡西二百人

**江源郡**

貞觀二十一年

裴行方置管兵五百人

**洪源郡**

開元三年陸象先置管兵千人

**昆明軍**

越雋郡南開元中移

置管兵五千二百人

**寧遠軍**

越雋郡西昆明縣南開元中置管兵五百人

**雲南軍**

管兵二千三百人

**澄川守捉**

雲南郡東六百

**南江郡**

瀘川郡西二百五十

里管兵歸誠郡靜川郡東南嶺南五府經畧使理南海

二千人管兵四百人萬五千四百人輕稅當道自給綏靜夷獠統經畧軍南海郡城內管清

海軍恩平郡城內桂管經畧使始平郡管容管經畧使

普寧郡管兵鎮南經畧使安南都護府管邕管經畧使

千一百人朗寧郡管兵又有經畧守捉使三以防海寇長樂郡經

畧使管兵千東萊郡守捉管兵千東牟郡守捉管兵千天寶

初又改州為郡刺史為太守大凡郡府三百二十有八

縣千五百七十有三羈縻州郡不在其中折衝府五百

百四戌三百九十三關二十七驛千三百八十八寺五千一百八十五觀一千八百五其地東至

安東都護府西至安西都護府南至日南郡北至單于

都護府南北如前漢之盛東則不及西則過之

漢之東境有樂

浪郡西境有燉煌郡今東極安東府則漢遼東郡也其漢之元菟樂浪二郡並在遼東郡之東今悉為東夷之地矣今西極安西府其伊吾交河北庭安西則漢代戎胡所據皆未得而詳

九州之區域在昔顓頊及於陶唐分而為九其制最大

顓頊置九州堯時洪水分絕使禹理水還為九州舜分為十二州夏殷周並為九州則不同禹貢按周之本制起於顓頊辨其疆界始於禹貢今分別地理故以為首雍州西據黑水東距西河

黑水出今張掖郡西河則龍門之河今京兆華陰馮翊扶風汧陽新平安定彭原安化平涼靈武五原寧朔洛交中部延安咸寧上郡銀川新秦朔方九原榆林安北天水隴西金城會寧安鄉臨洮和政寧塞西平武威張掖酒泉晉昌

**荊河州西南至荊山北距河**  
荊山在今襄陽郡南其北

**境至於河**  
今河南府陝郡之南境弘農臨汝滎陽陳留睢陽濟陰譙郡潁川淮陽汝陰汝南淮安襄陽武當漢

東等  
**冀州唐虞之都**  
以餘州所至則是其境  
西境雍州南境荊河

州東境兗州皆以河為界河自今文城絳郡西龍門南流至華陰東過今汲郡黎陽縣東大岷山又東入於海

今河內汲郡鄴郡廣平鉅鹿信都趙郡常山博陵河間文安饒陽上谷范陽順義歸化歸德媯川漁陽密雲北

平柳城河東絳郡陝郡之北境平陽高平上黨樂平陽城大寧文城西河太原昌化樓煩鴈門定襄安邊馬邑

雲中單于等郡地

兗州舊為濟河之間

北孔安國云東南據濟西距河禹貢云導沅水

東流為濟入於河溢為滎東出於陶丘北又東至於荷  
又東北會於汶又北東入於海顏師古云導沅流而為  
濟截河又為滎澤陶丘在濟陰定陶西南荷即荷澤過  
荷澤又與汶水會北折而東入海也按沅水出今河南  
府王屋縣山東流濟源縣而名濟水滎澤在今滎陽郡  
滎澤縣也定陶今濟陰郡也荷澤在今魯郡縣汶水今  
魯郡萊蕪縣然濟水因王莽末旱渠涸不復截河過今  
東平濟南淄川北海界中有水流入於海謂之清河實  
荷澤汶水合流亦曰濟河蓋因舊名非本濟水也諸家  
所說地理者皆云今清河郡禹貢冀州之域又按禹貢  
云洛汭自大伾北過泮水至河自周定王五年徙流禹  
于大陸北播為九河而入海

之所道漸以湮塞至秦始皇二十二年攻魏決河灌其

郡決處遂大不可復補魏都則今陳留郡漢武元封三年春河又徙從頓丘東南流入渤海頓丘即今縣也渤海郡即今景城郡地其下決於瓠子東南通於淮泗瓠子在今濮陽縣西界時丞相田蚡食邑鄒鄒在河北河決而南則鄒無水災邑收入多

鄒即今平原郡平原縣也有以知自周及秦至

漢其河已在今魏郡平原之境又王莽時司空掾王橫云禹之行河水本隨西山東北去自周時所徙宜令却徙更開空使緣西山足乘高地而東北入海乃無水災西山則太行恒山也又按泲水在今清河郡經城縣界大陸澤在今鉅鹿趙郡饒陽郡界則王橫之言與禹符矣其今清河郡在泲水東則兗州舊城內已具注清



河郡篇也今靈昌濮陽濟陽東郡清河魏郡博平東平  
平原樂安景城等郡地史記漢書皆以禹以為河所從  
來者高水湍悍難以行平地數為敗乃釀二渠以引河  
北過泲水大陸入渤海孟康注云釀分也分其流泄其  
怒二渠其一出貝丘西南一則泲川也貝丘今清河郡  
西泲川在汲郡東一里又臣瓚注引禹貢曰夾右碣石  
入於河壺口雷首入于海則河入海乃在碣石也武帝  
時河移東更注渤海禹時不注渤海按此則子長孟堅  
之誤矣九河一曰徒駭二曰太史三曰馬頰四曰覆釜  
五曰胡蘓六曰簡七曰潔八曰鈎盤九曰鬲津其徒駭  
鬲津鈎盤胡蘓四河並在今景城郡界馬頰覆釜二  
河並在今平原郡界其太史簡潔三河未詳處所

青

州東北據海西距岱

岱泰山也在今魯郡界自泰山之  
東至於海今北海濟南淄川東萊

東牟高密安東  
等郡即其地

徐州東據海北至岱南及淮

自泰山之  
南淮之北

海之西也今彭城臨淮魯郡東海琅琊等郡地是

梁州東據華山之陽西距黑

水

華山之南今華陰之西南黑水出張掖郡南流入海即巴蜀之地皆是也今上洛漢中洋川安康房陵通

川潯山南平涪陵南川瀘川清化始寧咸安符陽巴川南賓南浦閬中南充安岳盛山雲安犍為陽安仁壽通

義和義資陽南溪河池武都同谷順政懷道同昌陰平江油交川合川益昌普安巴西梓潼遂寧蜀郡德陽濛

陽唐安臨印廬山通化揚州北據淮東南距海

此自淮之東南

越雋雲南洪源等郡地距於海閩中以來地今廣陵淮陰鍾離壽春永陽歷陽廬江同安蘄春弋陽宣城丹陽晉陵吳郡吳興餘杭新

定新安會稽餘姚臨海縉雲永嘉東陽信安鄞陽潯陽之東境章郡臨川廬陵宜春南康建安長樂清源漳浦

臨汀潮陽等郡地自晉以後歷代史皆云五嶺之南至海並是禹貢揚州之地按禹貢物產貢賦職方山藪

川浸皆不及五嶺之外又按荊州南境至衡山之陽若五嶺之南在九州封域則以隣接宜屬荊州豈有舍荊

而屬揚斯不然矣此則近史之誤也則嶺南之地非九州之境荊州北據荊山南及衡

山之陽

荊山在今襄陽郡界南至今衡陽郡桂嶺之北皆是也今江陵夷陵巴東竟陵富水安陸齊安

漢陽江夏義陽潯陽之西境長沙巴陵衡陽零陵江華桂陽連山邵陽武陵澧陽黔中寧夷涪川盧溪盧陽靈

溪潭陽清江播川義泉夜郎龍溪漆溪等郡地其雍州西境流沙之西荊州南

境五嶺之南所置郡縣並非九州封域之內也○議曰

堯使鯀理水功不成復使禹理之又舉舜歷試禹因理

水遂別九州故尚書云東漸於海西被流沙朔南暨聲

教訖於四海禹錫玄圭告厥成功孔安國注云堯錫玄圭以明之又舜自登庸二十年始居攝位肇十有二州注云肇始也禹理水之後舜始置十二州分冀州為并州幽州分青州為營州其後八年堯崩舜咨四岳曰有能奮庸熙帝之載使宅百揆亮采惠疇僉舉禹為司空舜曰汝平水土惟時懋哉注云四岳同辭曰禹理洪水有成功言可用故舜然其所舉稱其前功以命之懋勉也惟居是百揆勉行之則禹之績本在堯代舜未居攝

以前也而史記云堯崩後舜以禹為司空命平水土以開九州又按自鯀理水績用不成後至堯崩凡二十八載洪水為害下民昏墊豈有年踰二紀方使伯禹理之漢書亦云堯遭洪水天下分絕為十二州禹理水更制九州則九州在十二州之後乃與舜典乖互不同馬季長云禹平水土置九州舜以冀州之北廣大分置并州分燕置幽州分齊為營州則十二州在九州之後也與孔注符矣若稽其證據乃子長孟堅之誤矣

凡國之分野上配天象始於周季定其十二其地可辨  
漢史曰秦地東井輿鬼之分野其界自弘農故關以西  
京兆扶風馮翊北地上郡西河安定天水隴西南有巴  
蜀廣漢犍為武都西有金城武威張掖酒泉燉煌又西

南有牂牁越雋益州皆宜屬焉

今京兆馮翊上洛華陰之西境弘農之南境扶

風新平安定彭原靈武五原寧朔洛交中部延安咸寧  
上郡銀川昌化之北境西河之西境新秦朔方天水隴  
西金城會寧安鄉寧塞西平武威張掖酒泉晉昌燉煌  
通川潯山南平涪陵南川瀘川清化始寧咸安符陽巴  
川南賓南浦閬中南充安岳盛山雲安犍為陽安仁壽  
通義和義資陽南溪武都河池同谷順政和政陰平油

江益昌普安巴西梓潼遂寧蜀郡德陽涪陽唐安臨邛  
廬山洪源越嶲雲南涪川播川義泉夜郎漆溪等郡地

魏地背觶參之分野

觶音許  
隨反

得漢之高陵以東盡河東

河內南有陳留及汝南之召陵潁强

潁於勤  
反水名

新汲西華

長平潁川之舞陽鄆許鄆陵河南之開封中牟陽武酸

棗卷皆魏分野

今馮翊之南境華陰之東境弘農之北  
境河東平陽文城太寧昌化之南境絳

郡陝郡之北境河內之西境河南府之北境滎陽之東  
境淮陽之北境汝南之北境陳留及靈昌之西境皆是

韓地角亢氏之分野得漢之南陽及潁川之父城定陵

襄城潁陰長社陽翟郟城東接汝南西接弘農得新安

宜陽皆韓分野

今邾鄆之河南地河南之西境南境東境滎陽臨汝潁川之西境淮安漢東義

陽之西境南陽武當等是

周地柳七星張之分野得漢之河南雒陽

穀城平陰偃師鞏緱氏是其分野

按周之封域其西得今河南洛陽偃師東

至緱氏鞏縣南得伊闕北至於河當戰國之時其境最狹東西南北才百餘里

趙地昴畢之分

野得漢之信都真定常山中山涿郡之高陽鄭州鄉廣

平鉅鹿清河河間渤海之東平舒中邑文安東州成平

章武河以北南至浮水繁陽內黃斥丘西有太原定襄

雲中五原上黨皆趙分野

今鄴郡清河信都廣平鉅鹿趙郡長山博陵河間文安饒



陽博平之北境京城之北境高平上黨樂平陽城榆林  
九原安北太原定襄雲中單于鴈門之西境樓煩之南  
境西河燕地尾箕之分野得漢之漁陽右北平遼西遼  
之東境

東上谷代郡鴈門涿郡之易容城范陽北有新城故安

涿縣良鄉新昌及渤海之安次皆燕分野樂浪菟亦

宜屬焉

今上谷范陽順義歸化歸德媯川漁陽密雲北平柳城安東馬邑安邊鴈門之東境接樓煩之

北是也樂浪元菟今為東夷所據

衛地營室東壁之分野得漢之東郡

汲郡之黎陽河內之野王朝歌皆衛之分野

今靈昌汲郡魏郡濮

陽之西北境濟陽之西北境博平之西南境河內之東境皆是

宋地房心之分野得漢

之沛梁楚山陽濟陰東平及東郡之須昌壽張皆宋分

野

今睢陽譙郡濟陰彭城東平魯郡之西境濮陽之東南境臨淮之西境皆是

齊地虛危之

分野得漢之淄川東萊瑯琊高密膠東泰山城陽千乘

清河以南渤海之高樂高城重合陽信濟南平原皆齊

分野

今北海濟南淄川東萊東牟高密瑯琊之北境魯郡之北境濟陽之東南樂安平原景城之南境博

平之東境皆是魯地奎婁之分野得漢之東海南有泗水至淮

得臨淮之下相睢陵僮取慮皆魯分野

今魯之東南境東海瑯琊之南

境臨淮之東境皆是楚地翼軫之分野得漢之南郡江夏零陵桂

陽武陵長沙漢中汝南郡盡楚分野

今汝陰汝南之南境淮陽之南境漢

中洋川安康房陵巴東夷陵襄陽竟陵富水義陽之東境安陸齊安漢陽蘄春弋陽江夏巴陵長沙衡陽零陵江華桂陽連山邵陽始安之北境始興武陵澧陽黔中寧夷盧溪盧陽靈溪潭陽清江等郡皆是

吳地

斗之分野得漢之會稽九江丹陽章郡廬江廣陵六安

臨淮郡盡吳分野

今廣陵淮陰臨淮永陽歷陽廬江同安宣城丹陽晉陵吳郡吳興餘杭新

定新安會稽餘姚臨海縉雲永嘉東陽信安鄱陽潯陽章郡宜春廬陵南康臨川建安長樂清源漳浦臨汀皆

是越地牽牛婺女之分野得漢之蒼梧鬱林合浦交趾

九真南海日南皆越分野

今潮陽南海義寧海豐恩平南陵招義臨賀高要潯江感

義臨江扶南晉康臨封開陽高涼始安之南境平樂蒙  
山正平開江連城鬱林平琴安城賀水常林象郡龍城  
融水朗寧南潘懷澤寧仁定川新興普寧陵水南昌寧  
越寧浦橫山修德龍池安南九真武峩龍水忻城福祿  
文陽安樂日南永化銅陵永定玉山合浦  
海康蒼梧懷德臨潭樂古溫水湯泉等郡其餘土境非

諸國分野之內也○議曰按左傳周敬王魯哀公之時  
吳為越所滅其後六十九年至威烈王始命韓趙魏為  
諸侯後十七年安王之時三國共滅晉而分其地後五  
十六年顯王之時而越為楚所滅又按所列諸國分野  
具於班固漢書及皇甫謐帝王代紀下分區域上配星

躔固合同時不應前後當吳之未亡天下列國尚有數十其時韓趙魏三卿又未為諸侯晉國猶在豈分其土地自吳滅至分晉凡八十六年時既不同若為分配又按諸國地分略考所在封疆詳辨隸屬甚為乖互不審二子依據漢書又云今之蒼梧鬱林合浦交趾九真南海日南皆越分野夏少康庶子封於會稽後二十餘代至勾踐滅吳稱伯後六代而亡後十代至閩君搖漢復立為越王都東甌則今永嘉郡也是時秦南海尉趙佗

亦稱王五嶺之南皆佗所有也又按越之本封在於會稽至勾踐強盛有江淮之地天子致胙號稱霸王正當戰國之時凡得百四十二歲後至秦漢方有閩搖雖虛引其歷代興亡而地分星躔皆不相涉及趙佗奄有時代全乖未知取舍何所準的凡為著述誠要審詳者也但編舊文不加考覈遞相因襲是誤後學祇恐本將諸國上配天文既多舛謬或無憑據然已載前史歷代所傳今且依其本書別其境土益備一家之學示無闕也

其諸郡歷代所屬則各具正於本篇有覽之者當以見  
察

凡郡之土宇秦氏分制罷侯置守列為四十其境可知

內史

雍州之域今京兆華陰馮翊扶風汧陽新平及渠州之域上雒郡皆是

北地

雍州之域今安

定彭原安化平涼靈武五原寧朔等郡地

隴西

雍州之域今天水隴西會寧安鄉和政及渠州之域河池

郡地 上郡

雍州之域今洛交中部延安咸寧上郡銀川新秦朔方等郡皆是

九原

雍州之域

今九原安北皆是 三川

荊河州之域今河南府陝郡之河南地弘農臨汝滎陽陳留及冀州之域河內

汲郡 碭郡

荊河州之域今睢陽譙郡濟陰及兗州之域東平郡地是

潁川

荊河州之域今潁川

淮陽汝南等郡地是南陽荆河州之域今南陽淮安漢東邯鄲冀

之域今廣平鄴郡信都上谷冀州之域今上谷范陽文

德博陵之東境饒陽之北境及鉅鹿冀州之域今常山

陵之西境鉅鹿之北境饒陽之南境是漁陽冀州之域今

地皆右北平冀州之域今北遼西冀州之域今柳城及

遼東青州之域今河東冀州之域今河東絳郡陝郡之

上黨冀州之域今上黨高太原冀州之域今太原西河

樓煩等代郡冀州之域今安邊鴈門冀州之域今鴈門

郡是馬邑之北境是



是南境  
**雲中**  
冀州之域今雲中單于府  
東郡  
兖州之域今靈昌濮陽濟

陽魏郡博平及冀州  
齊郡  
兖州之域北海濟南淄川東萊

東牟  
薛郡  
徐州之域今魯  
瑯琊  
青州之域今高密及徐

泗水  
徐州之域今彭  
漢中  
梁州之域今漢中洋川  
巴郡

梁州之域今通川瀘山南平涪陵南川瀘川清化始寧  
咸安符陽巴川南賓南浦閬中南充盛山雲安及安岳

郡之東  
蜀郡  
梁州之域今巴西普安梓潼遂寧益昌  
九

江  
揚州之域今廣陵淮陰鍾離壽春永陽歷陽廬江同  
安蘄春弋陽鄱陽章郡臨川廬陵南康宜春潯陽是

章郡  
揚州之域今宣城新安新定及丹  
會稽  
揚州之域今晉陵吳

郡餘杭會稽餘姚東陽信安縉雲臨海永嘉  
及丹陽郡之東境兼吳興郡之東境皆是  
**閩中** 揚州之域

今建安長樂清源漳  
浦臨汀郡地皆是  
**南郡** 荊州之域今江陵清江巴東  
竟陵富水安陸齊安漢陽江

夏及荊河之域  
襄陽郡地皆是  
**長沙** 荊州之域今長沙巴陵衡陽零陵  
江華桂陽連山邵陽郡地皆是

**黔中** 荊州之域今武陵澧陽黔中寧  
夷盧溪盧陽靈溪潭陽郡地是  
**南海** 南越之地今  
南海始興義

寧海豐恩平南陵臨賀高要感義晉康臨封開陽高  
涼連城新興銅陵懷德及揚州之域今潮陽郡皆是  
**桂**

**林** 南越之域今始安平樂蒙山開江蒼梧潯江鬱林平  
琴安城賀水常林象郡龍城融水朗寧懷澤寧仁合

浦橫山修德龍池  
永定郡地皆是  
**象郡** 南越之域今招義南潘普寧陵  
水南昌定川寧越安南武衆龍

水忻城九真福祿文陽日南承化玉  
山合浦安樂海康溫水湯泉郡皆是  
**其餘郡府自漢已**

後歷代開拓四夷之地

今隴右道武威張掖西平寧塞酒泉晉昌燉煌伊吾交河北庭

安西武都臨洮懷道合川山南西道順政劔南道犍為

陽安安岳之西境仁壽通義和義資陽南溪同昌陰平

油江交川通化臨翼江源歸誠靜川蓬山恭化維川雲

山越雋雲南洪源黔中道涪川播川夜郎義泉漆溪嶺

南道臨潭扶南正平樂古珠崖

昌化延德瓊山萬安郡地皆是爰自漢代至於有隋或

郡國參置或年代短促州部無恒增省而衆離合不一

疆理難詳○大唐因循舊制一為郡縣又分天下為十

五部京畿

京兆華陰扶風馮翊新平上洛安康郡是

都畿

河南陝郡滎陽臨汝河內等郡地是

關內

安定彭原汧陽中部洛交朔方安化靈武榆林延安上郡咸寧銀川九原會寧五原新秦寧朔單于

安北等郡地是河南陳留睢陽靈昌潁川譙郡濮陽濟陽北海

汝陰濟陰瑯琊高密東平淄川濟南魯郡彭城臨淮

東海東萊東牟郡是河東太原上黨河東絳郡平陽西

陽城定襄樂平鴈門樓河北范陽魏郡汲郡鄴郡廣平

煩安邊雲中馬邑郡河北清河信都平原饒陽河間

景城常山博陵趙郡鉅鹿博平文安上谷樂安北隴右

平密雲媯川漁陽柳城歸德順義歸化安東郡隴右

武威天水安西北庭交河晉昌西平隴西燉煌酒泉金城安鄉同谷和政武都臨洮懷道寧塞合川張掖伊吾

郡山南東江陵襄陽南陽淮安武當房陵漢東竟陵富

山南西

漢中通川巴川清化洋川順政河池益昌

劍南

蜀郡唐安蒙陽德陽通義梓潼巴西普安閬中資陽臨

安岳洪源陰平同昌油江臨翼歸誠江源

淮南

廣陵安陸弋陽

義陽廬江蘄春同安永陽鍾離

江南東

丹陽晉陵吳郡餘杭會稽餘姚

臨海縉雲永嘉東陽新定新安信安

江南西

宣城長沙

桂陽南康零陵臨川廬陵潯陽江

黔中

清江江陵潭陽

龍標南川義泉靈溪寧夷

嶺南

南海始安安南武峩龍

涪川漆溪播川夜郎郡

水忻城福祿文陽普寧

朗寧始興義寧臨賀連山高要晉康平樂新興南潘陵

水高涼延德海康臨江潯江蒙山開江修德龍池臨封

南陵招義日南定川懷德安城寧越賀水寧浦橫山象

寧仁懷澤龍城銅陵永定思平融水昌化湯泉珠崖九

真承化常林正平瓊山臨潭扶南海康蒼梧萬安樂古

等郡今韓禹貢九州并南越之地歷代郡國析於其中其


有本非州之區域則以隣接附入云爾

雍州伊吾交河  
北庭安西梁州

臨翼歸誠靜川恭  
化維川雲山蓬山



通典卷一百七十二



總校官庶吉士臣侍朝

校對官編脩臣裴謙

謄錄監生臣曹秀榆